

差別此名一行乃至此名大七復次以一行  
道理爲問名一行以六句爲問名歷六以七  
句爲問以一問一名小七以七句爲問以二  
問一名大七復次問不相似法不以世定名  
一行問相似法以世定名歷六問不相似法  
以世定以一問一名小七問不相似法以世  
定以二問一名大七一行歷六小七大七是  
謂差別

十四末

明根方

說一切有部發智大毗婆沙論卷第一百八十四 動四  
唐捐無下音

阿毗達磨大毗婆沙論卷第一百八十五 動五

五百大阿羅漢等造 三藏法師玄奘奉 詔譯

定蘊第七中一行納息第五之三  
若修空彼無願耶乃至廣說問何故作此論  
答爲止撥無去來二世及說無未來修者意  
欲顯有去來世亦有未來修故作斯論修有

四種一得修二習修三對治修四除遣修此  
中依二修作論謂得修習修

若修空彼無願耶設修無願彼空耶答應作  
四句有修空非無願謂已得空現在前此是  
佛或獨覺聲聞爲現法樂住等故起已得空  
三摩地現在前余時彼勢力尚不及自類無

間剎那況能修餘未來功德然現前位即是  
習修有修無願非空謂已得無願現在前若  
未得無願現在前不修空已得無願現在前若  
者如前釋未得無願現在前不修空者謂見  
道中集現觀四心頃道現觀三心頃以見道  
中對治決定及是不共對治故不異諦修有

俱修謂未得空現在前若未得無願現在前  
修空若未得無相及未得世俗智現在前修  
空無願未得空現在前者謂依空三摩地入  
正性離生苦現觀四心頃若依空三摩地離  
欲界乃至無所有處染或以空爲加行彼一  
切加行無間解脫道及離非想非非想處染

除最後解脫道若依空三摩地信勝解練根作見至或以空爲加行彼加行無間解脫道及時解脫練根作不動除最後解脫道若依空三摩地雜修靜慮初後心頃若依空三摩地起念住無色解脫義辯二無礙解有說唯義無礙解於如是時未得空現在前亦修無

願未得無願現在前修空者謂依無願三摩地入正性離生苦現觀四心頃道類智時若依無願離欲界乃至非想非非想處染或無願爲加行彼一切加行無間解脫道若依無願信勝解練根作見至時解脫練根作不動或無願爲加行彼一切加行無間解脫道若依無願雜修靜慮初後心頃若起無漏他心智通若依無願起念住無色解脫義辯二無礙解於如是時未得無願現在前亦修空未得無相現在前修空無願者見道中無於修道無學道中若依無相離欲界乃至無所有處染或無相爲加行彼一切加行無間解脫

道及離非想非非想處染除最後解脫道若依無相信勝解練根作見至或無相爲加行彼一切加行無間解脫道及時解脫練根作不動除最後解脫道若依無相雜修靜慮初後心頃若依無相起念住無色解脫義無礙解於如是時未得無相現在前修空無願未得世俗智現在前修空無願者謂聖者以世俗道離欲界乃至無所有處染或世俗道爲加行彼一切加行無間解脫道及離非想非非想處染及信勝解練根作見至時解脫練根作不動以世俗爲加行彼加行道雜修靜慮中間心頃引發五通諸加行道五無間道二解脫道及有漏他心智通解脫道起無量世俗解脫勝處偏處不淨觀持息念世俗念住七處善三義觀世俗無礙解無諍願智邊際智空空無願無願無相無相入滅定想微細心於如是時未得世俗智現在前修空及無願有俱不修謂已得無相現在前若未得

無相現在前不修空無願若已得世俗智現在前若未得世俗智現在前不修空無願一切異生染汚心無記心在無想定滅盡定生無想天已得無相現在前者如前釋未得無相現在前不修空無願者謂見道中滅現觀四心頌不修空無願如前釋已得世俗智現

動五

三

在前者如前釋未得世俗智現在前不修空無願者謂聖者聞思所成慧入滅定微微心一切異生者謂此中所說三三摩地唯無漏故異生皆無故無修義染汚心者謂染汚心是順退分性沈重懈怠相應要順勝進性輕舉精進相應心方能修故無記心者謂無記

心不堅不住不實羸劣如朽敗種要堅住實強盛心方能修故在無想定滅盡定者謂彼無心要有心位方能修故生無想天者有說生彼於一切時不起善心有說生彼雖起善心而非修所依雖前已遮一切異生而復遮無想定無想天者以彼是世俗所尚或疑有

修故於如是時不修空及無願若修空彼無相耶設修無相彼空耶答應作四句有修空非無相謂已得空現在前若未得空現在前不修無相若未得無願現在前修空非無相已得空現在前者如前釋未得空現在前不修無相者謂依空三摩地入正性離生苦現觀四心頌未得無願現在前修空非無相者謂依無願入正性離生苦現觀四心頌有修無相非空謂已得無相現在前若未得無相現在前不修空已得無相現在前者如前釋未得無相現在前不修空者謂見道中滅現觀四心頌有俱修謂未得空現在前修無相若未得無相現在前修空若未得無願及未得世俗智現在前修空無相未得空現在前修無相者謂依空三摩地離欲界乃至無所有處染廣如前兼修無願說未得無相現在前修空者謂依無相三摩地離欲界乃至無所有處染或無相爲如行彼一切加行無間

解脫道及離非想非非想處染除最後解脫道若依無相練根作見至以無相爲加行彼加行無間解脫道及時解脫練根作不動除最後解脫道若依無相雜修靜慮初後心頃若依無相起念住無色解脫義無礙解於如是時未得無相現在前亦修空未得無願現

動五

四

在前修空無相者謂道類智時若依無願三摩地離欲界乃至非想非非想處染廣如前兼修空說未得世俗智現在前修空無相者謂聖者以世俗道離欲界乃至無所有處染廣如前兼修空無願說有俱不修謂已得無願現在前若未得無願現在前不修空無相

若已得世俗智現在前若未得世俗智現在前不修空無相一切異生染污心無記心在無想定滅盡定生無想天已得無願現在前者如前釋未得無願現在前不修空無相者謂見道中集現觀四心頃道現觀三心頃已得世俗智現在前者如前釋未得世俗智現在前若未得世俗智現在前不修無

動五

五

在前不修空無相者謂聖者聞思所成慧入滅定微微心一切異生乃至生無想天者如前釋若修無願彼無相耶設修無相彼無願耶答應作四句有修無願非無相謂已得無願現在前若未得無願及未得空現在前不修無相已得無願現在前者如前釋未得無願現在前不修無相者謂依無願入正性離生苦現觀四心頃集現觀四心頃道現觀三心頃未得空現在前不修無相者謂依空三摩地入正性離生苦現觀四心頃有修無相非無願謂已得無相現在前若未得無相現在前不修無願已得無相現在前者如前釋

願無相一切異生染汚心無記心在無想定滅盡定生無想天此亦隨應如前廣釋

頗有結空所斷非無願無相耶乃至廣說有二種決定一對治決定二作用決定此中依對治決定而作論非作用決定所以者何無道理三三摩地俱時作用何況有三頗有

結空所斷非無願無相耶答無以無願如是類結唯是空所對治故頗有結無願所斷非空無相耶答有謂見集見道所斷結無願斷以彼唯是無願所對治故頗有結無相所斷非空無願耶答有謂見滅所斷結無相斷以彼唯是無相所對治故頗有結空無願所斷

耶答有謂學見迹修所斷結空無願無相斷即彼是聖者二界修所斷結以彼是三三摩地所對治故頗有結非空無願無相所斷而是所斷耶答有謂異生所斷結即諸異生欲界乃至無所有處見修所斷結是世俗道所對治故問彼結豈非空無願無相所對治耶

答是所對治然在聖者非異生彼在異生故說非空等斷有說前依對治決定而作論今依作用決定作論異生相續中三三摩地定無作用故說彼結非空等斷問若余者聖相續中欲界乃至無所有處修所斷結亦世俗道斷何故但說空等斷耶答前文應說彼結

動五

六

亦是世俗道斷而不說者有何意耶應知聖者無漏道所顯故不說世俗道異生無漏道故依世俗道說是以前說無過云何作意入正性離生乃至廣說問何故作此論答欲止他宗顯已義故謂或有說三三摩地隨一皆能入正性離生今遮彼意顯惟

三三摩地隨一能入而非無相故作斯論或復有說唯無相三摩地能入正性離生如達摩龜多部說彼說以無相三摩地於涅槃起寂靜作意入正性離生爲遮彼執顯唯無相三摩地不能入正性離生故作斯論云何作意入正性離生答或無常或苦或空或無我由此則止三三摩地及唯無相能入正性離生者意此中無常苦作意與無願三摩地相應空無我作意與空三摩地相應問何故唯此行相入正性離生非餘耶答入正性離生者有二種一愛行二見行愛行者依無願入見行者依空入菩薩雖是愛行而能依空入正性離生愛行者復有二種謂我慢增懈怠增我慢增者以無常行相入懈怠增者以苦行相入見行者亦有二種謂我見增我所見增我見增者以無我行相入我所見增者以空行相入是故唯作此四行相問此四行相與何位法相應有說與廿第一法相應以說

動五

七

入正性離生故有說與苦法智忍相應問若尔何故言入答此說已入名入於近說遠聲如言大王從何處來彼於已來名來此亦如是問尔時亦有餘心所法何故但說作意耶答以唯作意能引發心心所故有說作意於入正性離生最隨順故思惟何繫行入正性離生乃至廣說問何故作此論答欲止尊者達磨恒遷多說頓思惟三界行入正性離生又爲止說思惟涅槃入正性離生者意故作斯論問思惟何繫行入正性離生答欲界繫由此則止如前二執問何故但思惟欲界繫行入正性離生耶答欲界苦鹿顯現見易觀察故有說欲界苦是彼相續現成就故有說欲界繫行具三苦故是以阿毗達磨者說觀三苦諸行入正性離生非如譬喻者唯說觀行苦諸行入正性離生此中不可意諸行名苦苦可意諸行名壞苦順捨諸行名行苦有說欲界苦於修行者現爲逼惱極所厭背故

先觀彼入正性離生問涅槃亦是極所欣樂何不觀彼入正性離生耶答諸有情類眾苦心勝非欣涅槃所以者何現逼惱故不現見故如諸有情無不畏苦有不貪樂問緣何諦忍後能入正性離生有說緣道諦如是說者緣苦諦廣說如雜蘊初納息

盡智當言於身循身觀念住耶乃至當言於法循法觀念住耶答盡智應言或於身循身觀念住或於受或於心或於法循法觀念住如盡智無生智亦余問何故作此論答為令疑者得決定故謂有生如是疑盡無生智非見性故亦應非念住性今欲決定明此二智

雖非見性而是念住故作斯論

復次見蘊中分別見自性念住今定蘊中分別非見自性念住故作斯論復次加行地中說修念住有因此故謂無學地無有念住今欲明無學地中有念住故而作此論復次經說盡無生智緣生及後有爲境有因此故謂

彼但緣生及後有今欲顯彼緣一切法唯除虛空及非擇滅故作斯論復次有執盡無生智唯總緣五蘊今遮彼意顯盡無生智或總緣五蘊或復別緣故為此論盡智應言或於身循身觀念住者謂緣色蘊或於受循受觀念住者謂緣受蘊或於心循心觀念住者謂

緣識蘊或於法循法觀念住者謂緣想蘊行蘊及擇滅此說不雜緣法念住若雜緣法念住則於五蘊或二二緣或三三緣或四四緣或五摠緣二二緣者謂色受緣色想緣色行緣色識緣受想緣受行緣受識緣想行緣想識緣行緣緣三三緣者謂色受想緣色受行

綠色受識緣色想識緣色行識緣受想行緣受想識緣受行識緣想行識緣四四緣者謂色受想行緣色受想識緣色受行識緣色想行識緣受想行識緣或五摠緣者謂色受想行識一切摠緣其擇滅無為若有漏法念住亦與色等餘法合緣此中所說是無漏故唯

不雜緣諸無漏初靜慮樂諸輕安等覺支樂此何差別答無差別諸無漏第二靜慮樂諸輕安等覺支樂此何差別答無差別問何故作此論答爲止說初二靜慮有無漏樂根者意顯彼二地無無漏樂根故作斯論若有者不應答言此無差別所以者何輕安等覺支

動五

九

樂大善地法中輕安爲自性無漏樂根大地

法中受爲自性故又輕安等覺支樂行蘊攝無漏樂根受蘊攝如是二樂便有差別而說無差別故知彼二地無漏樂者即輕安樂是故無漏樂根非彼地所有若從等持出彼所緣耶乃至廣說出有五種一地二行相三所

緣四異類心五剎那此中但依二出作論謂地所緣若從等持出彼所緣耶設從所緣出彼等持耶答應作四句有從等持出非所緣謂如有一思惟此相入初靜慮彼復思惟此相入第二靜慮此中所緣以相聲說如綠色蘊初靜慮等無間緣色蘊第二靜慮現在前

靜慮流注相續多時現前緣餘蘊亦余如蘊非蘊亦余如初靜慮乃至無所有處亦余復有別義若從等持出彼行相耶答應作四句有從等持出非行相謂如有一以此行相入初靜慮彼復以此行相入第二靜慮如無常行相初靜慮等無間無常行相第二靜慮現

緣餘蘊亦余是名從等持出非所緣問第二靜慮亦是等持何故言出答以地別故是故前說依二出作論謂地所緣有從所緣出非等持謂如有一思惟此根入初靜慮彼不出初靜慮復思惟餘相如綠色蘊初靜慮等無間緣受蘊初靜慮現在前緣餘蘊亦余是名

從所緣出非等持有從等持出亦所緣謂如有一思惟此相入初靜慮彼思惟餘相入第二靜慮如綠色蘊初靜慮等無間緣受蘊第二靜慮現在前緣餘蘊亦余是名從等持出亦所緣有非從等持出亦非所緣謂如有一思惟此相入初靜慮住經多時如綠色蘊初

在前餘行相亦尓有從行相出非等持謂如有一以此行相入初靜慮彼不出初靜慮復作餘行相如無常行相初靜慮等無間苦行相初靜慮現在前餘行相亦尓有從等持出亦行相謂如有一以此行相入初靜慮以餘行相入第二靜慮如無常行相初靜慮等無

動五

十

間苦行相第二靜慮現在前餘行相亦尓有非從等持出亦非行相謂如有一以此行相入初靜慮住經多時如無常行相初靜慮流注相續多時現前餘行相亦尓如初靜慮乃至無所有處亦尓復有別義若從行相出彼所緣耶荅應作四句有從行相出非所緣謂

如有一以此行相思惟此相彼不捨此相復作餘行相如緣色蘊無常行相等無間緣色蘊苦行相現在前緣餘蘊餘行相亦尓有從所緣出非行相謂如有一以此行相思惟此相即以此行相復思惟餘相如緣色蘊無常行相等無間緣受蘊無常行相現在前緣餘

時現前緣餘蘊餘行相亦尓如蘊非蘊亦尓如說苾芻乃至想定能達聖旨出尊弟子生非想非非想處彼依何定得阿羅漢果答無所有處問何故作此論荅欲令疑者得決定故如契經說有七依定我說依彼能盡諸偏謂初靜慮乃至無所有處又契經說苾芻乃至想定能達聖旨想定者謂四靜慮三無色能達聖旨者謂能起智斷煩惱修道盡漏或有生如是疑非想非想處既無聖道若世尊弟子生彼處者依何能盡諸漏將無彼類不由聖道得阿羅漢耶為令此疑得決定故說彼依無所有處得阿羅漢果復次為止分

動五

十一

至想定能達聖旨想定者謂四靜慮三無色能達聖旨者謂能起智斷煩惱修道盡漏或有生如是疑非想非想處既無聖道若世尊弟子生彼處者依何能盡諸漏將無彼類不由聖道得阿羅漢耶為令此疑得決定故說彼依無所有處得阿羅漢果復次為止分

別論者說有齊頂阿羅漢故彼說世尊弟子生非想非非想處於命終時煩惱業障三事俱盡不由聖道得阿羅漢果爲止彼意顯盡非俱必由聖道故作斯論問何故但說依無所有處非餘地耶答此於有頂最隣近故問生下諸地亦有隣近下地無漏何故不說依

之盡漏而但說生有頂者耶答下諸地中有自地或上地聖道易可現前非於下地所以者何下地繫善皆已捨故聖道難起由此無有起現前者生有頂不爾自地無聖道又無上地可依不可不由聖道而能盡漏是故下地雖難而起然彼聖道由因力強非加行力

暫起現前斷餘煩惱得阿羅漢果已設更住壽經八万劫終不重起以無用故  
如說尊者大目捷連言具壽我自憶住無所  
有處定聞曼陀枳尼池邊有衆多龍象哮吼等聲彼尊者爲在定聞爲起定耶答起定聞非在定問何故作此論答爲令疑者得決定

故如毗奈耶說尊者大目捷連告諸苾芻言具壽我自憶在鷲峯山住無所有處定聞曼陀枳尼池邊有衆多龍象哮吼等聲時諸苾芻共相謂言今此大目捷連自稱得過人法必無是事應共壞之所以者何住初靜慮者尚不聞聲何況住無所有處定便以此事白

佛佛時告曰汝等不應壞大目捷連所以者何大目捷連如想而說故毗奈耶雖作是說而不分別由此或有疑彼尊者在定聞聲欲令此疑得決定故顯彼尊者起定聞聲故作斯論問諸餘聲聞亦知在定不聞聲故尚無此說況大目捷連是最勝聲聞何故乃於苾

動五

十三

芻衆中說不應說有說此不必須通所以者何此是僞毗奈耶故謂佛滅後有於素怛纜中置僞素怛纜毗奈耶中置僞毗奈耶阿毗達磨中置僞阿毗達磨諸僞文句不應通釋有說定海甚深聲聞如兔不得其底唯佛能盡故彼尊者雖作是說亦無有過問彼尊者

豈不知在定不聞聲耶何故作如是說答彼尊者於定自在入出迅疾雖起定聞作住定想謂彼先從欲界善心入初靜慮從初靜慮入第二靜慮如是乃至入無所有處從無所有處起還入識處如是乃至入初靜慮從此欲界善心現前聞龍象等聲不起分別復還

從欲界善心入初靜慮從初靜慮入第二靜慮如是乃至入無所有處從無所有處起還入識處如是乃至入初靜慮從此欲界善心現前不審分別便作是語我自憶在無所有處定聞曼陀枳尼池邊龍象等聲彼但於二心起分別知謂初入定心及後出定心於其中間諸心相續不審分別故作是說亦無有

過

說一切有部發智大毗婆沙論卷第一百八十五 動五

羸劣上力垂反魏多六反循身上音曼陀官反莫枳

居只居  
支二反

士末

磧砂大藏經

阿毗達磨大毗婆沙論

正

第八一冊

阿毗達磨大毗婆沙論卷第一百八十六

動六

五百大阿羅漢等造三藏法師玄義奉

詔譯

定蘊第七中一行納息第五之四

諸不定彼一切非聰慧無明趣耶乃至廣說問何故作此論答爲欲分別契經義故如契經說諸有情類有定有不定有聰慧明趣有何解

非聰慧無明趣雖作是說而不分別相攝差別彼經是此論所依根本彼所不說者今盡應說故作斯論問諸不定彼一切非聰慧無明趣耶答諸不定彼一切非聰慧無明趣有非聰慧無明趣而非不定謂邪定問諸定彼一切聰慧明趣耶答諸聰慧明趣彼一切定

有定彼非聰慧明趣謂邪定此中非聰慧者謂愚夫異生無聖慧故聰慧者謂諸聖者有聖慧故云何知然契經說故如契經說佛告苾芻於汝意云何諸有於苦聖諦如實知於苦集聖諦苦滅聖諦苦滅行聖諦如實知或有於此不如實知此中說何是聰慧者苾